



## **Universitätsbibliothek Paderborn**

### **Vera Concilii Tridentini Historia**

Contra falsam Petri Suavis Polani narrationem

**Pallavicino, Sforza**

**Antverpiae, 1670**

Capvt XI. Propitia Grimano Patriarchae sententia. Lotharingus Romam  
profectus. Commendonus in Poloniam mißus. Vicecomes accitus à  
Pontifice, & mandata ipsi à Legatis tradita.

**urn:nbn:de:hbz:466:1-11718**

1563.

id tentari, ac oleum & operam perdi. Si placuisset Episcopis statu suum sancte reformare, se quoque visurum fuisse omni liberalitate in controuersijs inter ipsos, & suam Cæsariss aut Archiducis Cameram; seque polliceri vniuersè probum Ecclesiæ patrum futurum. Vifam à se fuisse postremam formam reconcinnatam, & præter ea quæ significarat Oratoribus, sibi admodum probati Decretum de Principibus in breuius redactum, mutatis quoque superioris scripti fulminibus in vniuersalem paternamque monitionem. Grates denique agebat Morono, ob adhibitam ab eo operam cum Pontifice pro filio suo Romanorum Rege; & patria vicissim offerebat. Ita simul haud flexibilem animum, simul comitatem præ se ferens, studuit vna spem Legatis adimere ipsius permouendi, & repugnantiam ipsis cedendi, quarum altera litigatores firmat utilitate, altera dignitate.

## C A P V T X I.

*Propitia Grimano Patriarchæ sententia. Lotharingus Romam profectus. Commendonus in Poloniam missus. Vicecomes acci-  
tus à Pontifice, & mandata ipsis à Legatis tradita.*

**P**ræter hasce negotiosas litteras ad viros publicos, alteras ad priuatum Ferdinandus scripsit, videlicet ad Grimatum. Magno is in pretio propter varias animi dotes apud Principes erat. Quare post dictas in ipsius causa sententias, Lotharingus per opportunitatem in responsis post triduum <sup>a</sup> Pontifici redditis, Grimatum ipsis commendarat, eumque certiorem reddebat de concordi iudicio in absoluendis ab omni nota incusatis Patriarchæ litteris; Pontificem rogans, vt Purpurâ ab ipso destinatâ, & ob hanc solùm suspicionem retentâ, hominem cohonestaret. Grimatus etiam <sup>b</sup> rogarat Ecclesiasticos Cæsariss Oratores, qui ade-  
rant inter iudices, vt successum Ferdinando significanter, in cuius litteris Ferdi-  
nandi ad Oratores 4. Septemb.  
illumin honorauit, quæ incredibile est quantâ voluptate non modò & ex Orato-  
rum respon-  
Grimatum, sed Venetum Oratorem affecerint. Huiusmodi mone-  
tam Principes obtinent, nullius ipsis impensa, & summa acci-  
pientibus estimationis, eam si moderate expenderint, nec ipsam prodigè largiendo cuicunque illius auido, nec tenaciter dene-  
gando illam promerentibus. Supererat, vt solemni ritu sententia proferretur, ad cuius formam conficiendam denud coactus est

Qqqq 2 cœtus

676 HISTORIA CONCILII TRIDENTINI Lib.22. Cap.11.

1563. cœtus die tertio Septembris <sup>a</sup>. Post hæc, antequam Lotharingus Romam proficeretur, ad sententiam in hanc summam ventum est: Iudices ad id delectos, ex aliorum quoque Theologorum sententia iudicare, memoratas Grimani litteras, vna cum eiusdem apologia, hereticas non esse, nec hereticos suspectas, atque ita declaratas, neque pariter esse scandalosas. Eas tamen euulgandas non esse, ob quadam difficultia, minus exacte ibi agitata & explicata. Huiusmodi tamen absolutio vim non habuit, vt Grimanus vñquam Patriarchæ pallium, ne- dum Purpuram obtineret. Expensa in Concilio fuerat sola quæstio theorica <sup>b</sup>, pertinens ad scriptorum, quæ diximus, doctrinam, relictâ Romanæ Inquisitioni quæstione facti de quibusdam criminationibus, quibus <sup>c</sup> accusabatur Patriarcha amicitiam exercuisse cum hominibus, qui postmodum hæretici detecti sunt, ac de alijs indicijs in illum productis Fidei parum sincere. Quare cùm ea post latam Tridenti sententiam nondum extincta vigerent, tametsi adeò exilia, vt numquam siue ad pœnam, siue ad carcerem satis fuerint, tamen, vt retinuerant Paulum III. Iulium III. & Paulum IV. ita pariter retinuerunt postea Pium IV. eiusque successores, ne pallium ipsi concederent. Denique in cœtu sanctæ Inquisitionis, habito 24. Octobris anno 1585. Sixtus V. qui ante Pontificatum Frater Felix Peretus è Monte alto <sup>d</sup>, sententiam cum alijs compluribus Theologis protulerat Grimano aduersantem de ea causa, super qua ille postea in Concilio absolutus est: pallium eidem solemniter denegavit, ac perpetuum de illo silentium impo- suit. Quod si ex falsa suspicione prouenit, non modicam <sup>e</sup> comi- miserationem promeruit Patriarcha, egregijs quippe dotibus non ingenij minus & animi quam sanguinis prædictus; à Principibus amatus, & litteratorum amator.

<sup>d</sup> In Actis  
Paleotti.

<sup>e</sup> Cuncta ex-  
tatt in volu-  
mine memo-  
rato littera-  
rum, quod ab  
Albizio Car-  
dinali accepi.

<sup>f</sup> 11. Septem-  
bris 1561. vt  
ex origini li-  
scriptura, in  
memorato  
litterarum  
volumine  
contenta.

<sup>g</sup> Vide  
Vghellum in  
Ital a facie,  
inter Patriar-  
chas Aqui-  
letæ.

<sup>h</sup> Diarium  
18. Septem-  
bris. Acta  
Salma ticēsis  
& Pa-  
cotti.  
<sup>i</sup> Litteræ Bor-  
rom, ad Le-  
gatos <sup>j</sup> Au-  
gusti, & Le-  
gatorum ad  
Borrom. vii  
mo Augusti,  
& 26 Sept.  
1563.

Postridie quam hæc sententia lata est, Lotharingus iter cepit <sup>k</sup> Romam versus <sup>l</sup>, & cum eo egregius comitatus Episcoporum ac Theologorum, inter quos Pragensis Archiepiscopus numerabatur.

Venit per eosdem dies Tridentum Commendonus, accitus à Legatis, & inde missus in Poloniam iussu Pontificis, tamquam ipsius Nuntius <sup>m</sup>, cum mandatis ab Osio confectis, qui Pontifici auctor fuerat, vt illum mitteret, positis ob eius oculos proximè futuris Comitijs illius Regni, in quibus viri huiusmodi praesentia, quem ipse in Germania expertus fuerat, validum fuisset columen Religionis, & ingens leuamen Ecclesiastice libertatis, illic recens perculta. Et euentus consilium comprobauit, quod Historia nostra postremò recensebit.

Alter

<sup>4</sup> Alter quoque præclarus Antistes sub idem tempus Tridento pro-  
fectus est in Hispaniam Nuntius. Is fuit Vicecomes, <sup>k</sup> desti-  
natus à Pontifice Hispanicæ Aulæ, & idcirco Romam ab eo-  
dem reuocatus, quò simul edoceretur Pius opportunè de præteri-  
to ac præsenti Concilij statu, vnde paratiore esset animo ad fu-  
tura Lotharingi colloquia. Eapropter duplex illi tradita fuit rerum  
narratio; altera, vt sic loquar, legalis, Paleotti opus, quâ expone-  
batur quidquid peractum & agitatum fuerat in coetibus tum ge-  
neralibus tum peculiaribus, & rationum capita, in singulis articu-  
lis emendationis expensa: altera, quæ poterat appellari politica,  
à Morono dictata suo & collegarum nomine <sup>1</sup>, de ijs quæ Princi-  
pum intererant, de conditionibus & potentia Oratorum, de Præ-  
sulum affectionibus, ac præsertim de consilijs in posterum seli-  
gendas.

<sup>5</sup> Posterioris summa erat: Quadruplici ratione procedi posse, ni-  
mirum, aut Synodum protrahendo, aut præcidendo, aut eam ter-  
minando, aut suspendendo. Si protraheretur, à Legatis pessimum  
existimari, vt pote quòd hæc incommoda oriri possent: primò, <sup>119. Septem-  
bris, inter  
monumenta  
Morona</sup>  
schismatis periculum, siue ob discordias semper enascentes inter  
Pates, siue ob mortem alicuius Principis, quæ statum orbis terra-  
rum peruerteret: secundò, tam diurna tot Episcoporum absen-  
tia à suis Ecclesijs: tertiò, sumptus Apostolice Sedi intolerabiles:  
postremò, audacia, quam sibi arrogabant Episcopi inter se coniun-  
cti, adeoque penè formidabiles petendi semper nouas in commu-  
ni prærogatiwas, & noua priuatim beneficia; quod etiam Principi-  
bus contingebat, qui rebantur, extante Synodo frænum à se teneri,  
quo pro suo arbitratu Pontificem circumagerent.

<sup>6</sup> Pessimum quoque censi, si Synodus præcideretur, præsertim  
ob communem offenditionem; quæ tamen mitigari potuisset, si an-  
tequam illa præcideretur, emendationis perfectæ Decreta præces-  
sissent, adè vt mortales animaduerterent, alterum ex alterius me-  
tu nequaquam fieri, simulque si qua conspicua causa expectaretur  
(vti plures ex parte Principum euenturæ fuissent) quæ Pontificis  
in eo consensum defenderet. Verùm tametsi hoc præcisionis con-  
silio semper plus minùsve euasurum esset noxiū; re ipsa tamen  
eius minas intentatas prodesse posse, vbi Oratores nimiam aucto-  
ritatem sibi arrogarent, aut progressus celeritatem impedirent.  
Hic plurimùm de Lunensi conquerebantur, ea quæ ille egerat,  
& nos sparsim narrauimus, commemorantes. Tantò absurdiorem  
conspici rationem illam agendi in ministris laicorum Principum,

Qqqq 3.

quantò

1563.

quād luculentior testis poterat esse Synodus & moderationis quā Legati Pontificis agebant de libertate, & sinceritatis de morum emendatione. Addebatur, nimis credere Lunensem quibusdam è suis Præsulibus, Romæ parum benevolis: ceterū ab illo intentum negotio animum geri, plurimumque auctoritatis possideri, autæ ex arcta & assidua communicatione per tabellarios cum Cæsare & cum Rege Romanorum: tum à Cæsare tum à Lunensi parum suam mentem aperiri de breuitate, aientibus, intendi à se ut expediretur Synodus, non præceps ageretur; quæ voœes ad res peculiares admotæ, poterant à singulis explicari pro suo arbitratu: sed animaduerti, omnem lapidem à Lunensi moueri & Tridenti & cum Cæsare, ad Synodum protrahendam, & audi-  
ri, eò tendere postrema mandata ab Hispania ipsi reddita; opor-  
tere, ne se Pontifex tam audum festinationis ostenderet, vt de-  
bitam argumentorum grauitati trutinam omitti veller.

Reiecit tamquam noxias prolixitatem & præcisionem: monstra-  
batur, optimum esse absoluī Synodum tum ad fidelium utilitatem,  
tum ad Ecclesiæ dignitatem; sed dubitari ne obstituri essent Cæsar,  
& Galliæ atque Hispaniæ Reges, ob causas quas Legati alias scri-  
pserant: tamen cùm absolutionem Synodi expeterent Lusitanæ  
Rex, Italiae Principes, & præcipue Veneti cuncti abscissionem  
perosi, & insuper diuturnitatem Galli, quò citius Lotharingum  
& Episcopos suos recuperarent; nequaquam extra spem esse Con-  
ciliij absolutionem, ad quam præter Gallos facile posset etiam ad-  
duci Philippus Rex, præsertim conscientiæ communisque utili-  
tatis ergo, & oblatâ ipsi à Pontifice, quantum honestas fineret, po-  
stulatorum omnium concessione, cuius fortasse spes diuturnitatis  
appetentiam in Rege nunc alebat; & ipsius consensu posito, Cæsa-  
rem minimè aduersaturum.

Faciliorem tamen absolutione, ac tolerabiliorem diuturnitatę &  
ac præcisione suspensionem censerit: illi acquieturos omnes Prin-  
cipes à bello alienos, quoniam id temporis non damnarentur so-  
lemniter hæretici, adeoque neque hi ad vltionem irritarentur, ne-  
que illi compellerentur ad arma capessenda, quibus conuocatam  
ipsorum petitionibus Synodum exequerentur: quod si ante suspen-  
sionem absoluuerentur emendationis leges, & in opus deduceren-  
tur, quarum desiderio potissimè Synodum Principes flagitarant,  
fore vt alacres cuncti conquiescerent. Verum haud decere, vt Pon-  
tifex suspensionis auctor esset, nec eam proponeret; sed vt alios  
exaudiret, solūm impellens Principes, vt illam à se peterent, dum  
fixum

1563.

fixum immobiliter animum absolutioni præ se ferret. Monebant, à Cæsare, iam annis graui, & infirmâ valetudine, magnam negotiorum partem committi Regi Romanorum, inter quem & Hispaniarum Regem, sororis suæ virum, intercedebat arctissima necessitudo; hinc omni studio curandum, ut Maximilianus bene affectus haberetur. Optari ab illo, vt suæ res cum Aula Romana ex voto componerentur, atque vt ibi in pretio ipse haberi videatur: quare absolutâ ipsius causâ, ex sententia quam omnes Legati propediem scriberent, opportunum esse, peculiarem Nuntium ad eum mitti tum honoris tum benevolentiae comparandæ gratiâ; præsertim, quoniam cùm ille à parente plerumque abesset, non poterat transfigendis cum eo negotijs satis esse Delfinus.

Concludebant: Super omnia conferre ad Synodum facilè terminandam, ad vtiliter suspendendam, ad abrumpendam minori cum detimento, & maiori cum dignitate, reparationem disciplinæ priùs stabiliri; id porrò euenturum, vbi Patres intelligerent, velle Pontificem Decreta sancti pro maiori suffragiorum numero, tametsi complures obstarent in rebus ad dogma non spectantibus. Confectâ morum emendatione, licere confidentius loqui, & etiam de articulo ad Principes laicos spectante fieri posse, vt aliqua iniuria ratio, quâ vtrique parti mutuò fieret satis.

Postremo duo significabantur; alterum, inesse quidem Legatis auctoritatem aliquam, & intimam amicitiam cum Oratoribus; sed his, cùm ad tradita sibi mandata consulenda redigebantur, non nisi obtemperare Principibus licere. Alterum erat, Lotharingum (de quo ibi parcissimè dicebatur, quia plurimum antea scriptum fuerat) tantum posse apud Hispanos, quantum cum ipsis coniungebatur, non quantum ad eos pertrahendos satis esset.

Ita Legati scripsere in litteris Vicecomiti traditis. Ex quo animadvertisit, quantum id temporis dubitetur, oportere præcidi ante fructum plantam illam, tot sudoribus totius orbis Catholici irrigatam, & quantuna debeatur inenarrabili labore eorum cultorum, qui ad ferendos fructus eam adduxerunt per salutarem ac perpetuam fecunditatem ad Ecclesiæ emolumentum. Sed maximorum bonorum auctores parcè plerumque Fama remuneratur, quippe quæ maximos labores ignorat idcirco exantlatos; at verò magnifice illos concelebrat, qui humanum sanguinem fortunatè profuderunt, quoniam in ipsis solis difficultas operis æquè ac ipsum opus dignoscitur.

HISTO-